



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : HOTUNG SECONDARY SCHOOL

学校名称 : 何东中学

Name of Play 剧名 : [物]忘初心

Script writer 剧作者 : 李晓妮、童凯欣 (学生)

**Synopsis 故事大纲 :**

主角因小时候的一次经历，一直踏实工作，从来都不会为赚钱而怂恿顾客购买公司产品。但在老板和高利贷的压力下，为了保住工作和安逸的物质生活，主角逐渐失去其原则。在“表佬”的提醒下，主角回想昔日的回忆，及在客户的信任和支持下，寻回最真的自己。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

〔街道〕〔灯亮〕

〔大雨滂沱，街道上人来人往。每个人担着一把黑色的伞穿梭如人群之中。有一人摔倒，但没有人扶起他。主角看见这情况，用双手遮盖双眼。〕

初心：人之初、性本善，相信每个人都曾经经历过，感受过…但系都市人既忙碌、又或者所谓人大个左…成熟左…依 D 你同我经常用黎将事情合理化既原因，有冇将人之初性本善，你同我都拥有既呢份初心磨灭左呢？

〔灯灭〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一场**

〔公司〕〔灯亮〕

〔主角正在看陈小姐 file，老细经过返住主角〕

陈小姐：林小姐，但系我听人讲呢只 9527 好高回报架喎！

主角：高回报？高风险就真！陈小姐你呢只 9527 的确系呢一，两星期系升咗好多，但你知美国选完新总统，佢既政策宜家令到金融市场好波动，预计系呢个礼拜 9527 就会回落，我建议你都系吾好买啦。

陈小姐：但系呢只 9527 系两个大集团一齐搞架喎，照计应该有冇问题架喎？

主角：当然唔关事啦。早两日只 2134 都系感，个个都认为有大集团系后面，所以落晒重本，点知...最后咪又系蚀，其实呢 D 情况成日都会发生，再加上呢排个市又吾系咁稳定，我都系建议你吾好作任何投资住啦。

陈小姐：我地呢啲普通人钱又唔多个，做吓投资都系想多个保障啫。啲细路过两年又要升大学。每日搵得鸡碎咁多，都唔知点供佢读书。

主角：…不如你买呢只基金啦，唔洗供咁多又可以定期收到钱，系就系低回报咗啲，但系有咁高风险嘛。

陈小姐：买基金？

主角：无错。唔好乱咁投资，尤其系自己辛苦搵返黎既积蓄。

陈小姐：真系？

主角：相信我。

陈小姐：嗯...咁就照你说话做啦！迟下赚到钱，我实封番封大利是过你！

主角：吾洗咁客气啦，呢啲都只系我既份内事。我只系想帮人唔好冒其他不必要既风险啫。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

陈小姐：多谢你咁有心。我走先喇，再见。

主角：再见。

〔老板接近主角〕

老板：你做乜野啊？

主角：下，睇文件....啰。

老板：吾系啊，我讲紧你啱啱做乜事啊！

主角：我，我咪帮紧个客评估投资风险，再推荐适合既投资比佢啰。

老板：哼（冷笑），推荐？你推荐个阵有冇谗过公司既利益啊！你叫人转买啲咁低风险既基金，公司边有佣收呀？

主角：但系人地讲到明系自己积蓄...

老板：人地要买咩股票，你咪由得佢买啰！公司搵到钱，你又有钱赚，大家各取所需，吾好咩？

主角：但我都有理由，将我既人工建筑系人地既痛苦身上架。

老板：你吾好吾记得之前公司借咗一大笔钱比你还债。系适当时候，要做适当既妥协啊细路。呢个世界，一系你接受，一系你走，明啦？

同事 B：唔好谗咁多喇，做野啦。

主角：你觉得老板叫我咁做无问题？

同事 B：唔系无问题。但系老板请你返黎系帮佢解决问题，而唔系制造更多问题。

主角：但系我地做每一样野都应该要有良知架。

同事 B：新仔即系新仔。你有无睇过《寒战》呀？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

主角：无。

同事 B：梁家辉入面有段台词，佢话自己喺警队服务左 30 年，识左唔少朋友，亦都得失唔少人，不过呢 30 年，佢学左样嘢，就系每一个机构，每一个部门，每一个岗位，都有自己既游戏规则，第一步，学晓佢。不过有好多人未走到呢一步已经死左，知唔知点解？叻唔切。第二步，学晓点样唔好犯规，识得点样喺里面玩，咁就可以勉强保着条命。唔系既话，死左都唔知咩事。

〔同事 C 准备收拾公文包离开，可是被同事 A 折停了〕

同事 A：sorry，我仲有两份数据未入计算机，你帮我搞左佢.....

同事 C：又系我做？

同事 A：做咩啊！我业绩高过你架！老板叫我随便吩咐人做野架！〔拎起自己既文件放到同事 C 枱面〕

同事 C：你咪又系蛇王去拍拖...

同事 A：系呀，咁又点呀？再见。

同事 C：业绩高大晒啊。有手有脚，自己吾识做啊！

同事 B：你睇吓，Debbie 宜家已经买晒名牌衫名牌袋，佢以前咩都无架。

主角：吓？我仲以为佢屋企好有钱...

同事 B：如果你都想好似佢咁有权有势既话，学晓佢啦。

主角：但系...

同事 B：你唔食你屋企人都要食架。

〔灯灭〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第二场**

〔家〕〔灯亮〕

〔细路摆紧碗筷，弟弟睇住电视〕

〔主角母入，坐左系 sofa〕

细路：番黎啦，做乜今日咁晏既？阿妈.....妈！

主角母：冇啦.....今次咩都有啦.....

细路：做咩啊？

细佬：系啰妈咪，发生咩事啊？

主角母：个 David 啊，个股票经纪 David 啊，佢早排叫我签一份野，话咩佢会方便啲做野嘞。后尾，我收到好多封信，话我投资咗好多股票，买咗好多债券，连户口都冻结埋，咁先知原来之前同 David 签个份系授权书，签完之后佢就私自帮我做投资啦，佢而家仲话呀系我授权比佢既，所以就算蚀钱佢都吾会负责嘞...

细路：咁等啲股票升返咪无事啰。

主角母：等？我头先已经决定卖晒佢，再唔卖，我唔知佢会跌到几时。

细路：卖左就得啦，无事。

细佬：系啰，食饭喇。

主角母：但系我所有既积蓄都蚀晒。

细路：蚀晒？

主角母：一个崩都无喇，我谗我地仲要卖埋呢间屋还蚀多左啲啲钱。

细路：卖左间屋？

细佬：咁我地搬去边呀？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

主角母：或者去叔叔度住一排先啦。

细佬：不如我地睇吓屋企有无啲值钱既野，我地拎出去卖咪有钱啰。

细路：妈咪，我地只陀表呀！

主角母：唔得，卖咩都得唯独呢只表唔可以卖。呢只表系传家之宝，更何况佢卖唔到几多钱。皓恩，你一定要好好保管佢！

细路：但系…

主角母：总之我会再谗办法。你地将来记着脚踏实地，要做一个诚诚实实既人呀。

细路：妈，我地一齐同你谗办法丫。

主角母：…对不起，辛苦你地喇。

〔灯灭〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第三场**

〔公司〕〔灯亮〕

〔同事 A，B，C 及主角讨论中〕

主角：喂黄生，我系林小姐啊，系啊，老芙珍股票经纪有限公司架，我之前咪帮你签左份野嘅，系啊，果份系授权书呢，就因为早几个月我见妳只 1314 会升，所以帮你入左货，但早两日我见佢跌的好犀利，所以即刻帮你放左，等你唔好蚀咁多。系啊，唔好意思啊，依家系蚀左蚀左几多啊？我要计下先知喎，我转头打翻比你啊。bye bye

〔同事 C 出场〕

同事 A：感迟既？

主角：梗系啦，朋友，今日星期四，例迟。

同事 B：系喎！又去贡献马会啊？

同事 C：come on, open mind, okay?我系做善事。

同事 A：你啲钱就去贡献马会，你睇下皓恩，佢就吾同啦，佢买咗只咁闪既表，宜家仲劲过我喇。

主角：（Show 自己只表）靚吾靚呀！

同事 ABCD：哗！劳累人手表啊！

同事 D：洗吾洗五十万啊啦！

同事 B：喂！小心老虎珍（指向老细房）落山咬死你！

同事 C：珍姐一出，谁与争峰

〔老板出〕

〔同事 A，B，主角立马扮做野〕





**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

老板：阿皓恩啊...我上次个份文件.....叻女！

〔老板走〕

同事 C：两年啫，点解你可以搵到咁多咁成功架？

主角：成功？好简单啫。系适当时候，要做适当既妥协。

同事 D：即系点呀？

主角：要识得变通。总之求其点 D 人买咩股，系咁帮佢地买出买入，公司先有钱赚，供得越多我地就赚得越多。

同事 D：求其帮佢地买，啲客唔知架咩？

主角：佢地咁清楚个市就唔洗搵我地啦。

同事 B：你有啲唔同左。

同事 C：系，突然觉得你头顶上面有光环。

〔同事 ABCD 唱女神〕

主角：总之呢两年我喺度学到一句说话，呢个世界，一系你接受，一系你走。明啦？

〔初心出〕

〔初心凝望主角〕

初心：变晒啦...咩都变晒啦...你以家成个机械人感啊！你睇下你而家咩样？你可吾可以攞番之前个份热诚出黎呀！你不记得左当初你个份热诚拿？日日 hea 下 hea 下咁过日子，买名牌袋，名牌衫，仲有劳累人手表。点解个世界追求咩，你就要咩？你不记得左你原本想要既野喇？

〔灯灭〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第四场**

〔家〕〔灯亮〕

〔到处乱七八糟〕主角母&细佬收拾地方〕

客户：唔该你地同个八婆讲！如果我走投无路，无晒啲钱要跳楼既话，我做鬼都唔会放过佢呀！我要个八婆一世都记着系佢害到我鸡毛鸭血架！再见！

〔客户离去〕

主角母：无事架啦！执野啦！

〔主角母&细佬收拾地方〕

〔主角回来〕

主角：哗，做咩事啊！打仗啊？

细佬：啱啱有个人上黎找你晦气，搵吾到你咯，咪系到捣乱啰。

主角：下？！

细佬：嗰个人话你搞到佢啲积蓄无晒喎。

主角：投资紧系有赚有蚀架啦。

主角母：你哋人签授权书呀！点解你会变成咁架？你仲记吾记得当年阿妈点解会搞到咁呀？

主角：我紧系记得。但系我无办法唔咁样做。

主角母：你宜家做紧啲伤天害理既事呀！

主角：但系呢两年屋企可以渡过难关，大家可以安安乐乐生活，都系因为我喺出面搵番黎架咋。

主角母：你只表呢？你掉左手上面只表呀？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

主角：无呀，我收埋左咋。

主角母：你宜家连只表都唔再带。

主角：个只表已经坏咗，新旧交替我紧系要换啦。

主角母：个只系家传之宝黎架！

主角：够啦！我都无掉过。仲有，可唔可以唔好成日提以前呀，人应该向前望架。

主角母：向前望就代表要咁样做人架咩？以前系穷，但每一日都系过得有意义。宜家呢？你做埋晒啲伤人利己既事，搵咁多钱仲有咩意思呀？

主角：够啦！我只系吾想大家再过之前个种日子啫，有咩错呀？日日提心吊胆，呢到住一排，个到住一排，每个地方都住吾够两个礼拜。而且我都想你有靚衫着，细佬有靚屋住啊！（静片刻）总之呢件事我有能力处理好。

〔主角转身离开〕

〔灯灭〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第五场**

〔街道〕〔灯亮〕

〔大雨滂沱，街道上人来人往。每个人担着一把黑色的伞穿梭如人群之中。有一人摔倒，但没有人扶起他。主角看见这情况，思量着应否前去帮忙，犹豫不决，但最后却转身离开。〕

路人：喂！的士！的士啊！的士！

主角：搞错啊！赶住去投胎啊！瞎架！整跌人地个袋又吾执番.....限量版黎架！

〔走着走着，从袋中掏出手表〕

主角：吾该，想问吓呢只表有无得整呀？

整表佬：〔望一望个款〕哗...呢只表太旧啦，整得黎啲零件钱都够钱买过只新表啦嗱，换过只啦。

〔主角拎出一迭钱〕

主角：你睇吓呢度够唔够？唔够既话我仲可以再俾。

整表佬：哗...睇戏就睇得多，咁样俾钱法真系第一次见。你富二代呀？

主角：唔够既话我仲可以再俾。

整表佬：唔系钱多就可以解决问题既。

主角：但系钱一定可以解决好多问题。

〔主角再拎出一迭钱〕

整表佬：只表好重要架？

主角：唔。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

整表佬：好有价值？

主角：喂！关你咩事啫？

整表佬：通常呢啲咁旧既表，要修理既唔单只系零件，仲有佢带着既嗰份情。

主角：我都唔知你 up 乜。

整表佬：拎走佢啦。

主角：你要几多钱呀？我真系多多都可以俾架。

整表佬：我都话唔系钱多就可以解决问题咯。

〔主角拎表走〕

整表佬：我系叫你拎走啲钱。你摆低只表，过一阵再过黎拎番啦。

主角：吓？

整表佬：宜家好少有后生女拎啲咁旧既表黎整架喇。我谗呢只表一定好有意义。

主角：……佢曾经陪我渡过咗好多难关，好多艰难既日子。

整表佬：好多人细个个阵都会对自己既未来，充满幻想。但系到大个既时候总系好容易迷失。后生女，表坏左可以再整，时间坏左既话就好难整返好架喇。

主角：你究竟想讲咩呀。

整表佬：『物』忘初心，勿忘初心。

〔灯灭〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第六场**

〔家〕〔灯亮〕

【V O】

整表佬：后生女，表坏左可以再整，时间坏左既话就好难整返好架喇。

主角：你究竟想讲咩呀。

整表佬：『物』忘初心，勿忘初心。

〔主角拿起修理完的旧表，回忆起童年，在旁见证〕

〔主角母咳〕

主角母：咳！咳！

细路：饮碗药先啦，趁热啊。

主角母：如果当初吾系信错个经纪，我地就吾洗捱苦，宜家搞到你咩都一脚踢，系我累咗你地。

细路：阿妈，吾好咁讲啦。

〔细路扶起主角母喝药〕

细路：阿妈，迟啲我想试吓做股票经纪呀。

主角母：咩话？

细路：系，我希望用自己既经历去帮助啲真正需要靠投资去改善生活既人，我唔想有更加多人好似我地咁样受害。

主角母：咁你真系要用心帮人先好，唔好害人喎。

细路：我会。

〔细路拿住碗去厨房途中，啪啪啪，主角吓亲，倒地〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

细佬：有冇人啊！开门啊喂！

细路：哦...原来系细佬。

〔主角开门〕

细路：你又去咗踢波呀？如果你得闲就去搵份 part time 啦，屋企已经有咩钱净架啦。

细佬：...

细路：做咩啊？

细佬：我唔想咁早就做野呀，我得 12 岁咋！

细路：.... 系既，家姐唔应该迫你。

〔包租婆系门口嗌〕

包租婆：有冇人啊？

细路：系。(开门)

包租婆：林小姐系时候交今个月啲租啦喎。

细路：可吾可以比多几日宽限啊？

包租婆：比多几日？！

细路：求吓你丫包租婆。我阿妈呢排病咗番吾到工，不过我搵多咗兼职，过多几日就出粮架啦。

包租婆：吾系睇在你地咁惨，我真系吾会租比你地呀！

细路：吾好意思啊，过多几日！过多几日我一定比到租你架！



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

〔包租婆走〕

〔初心出〕

初心：人一世，物一世，究竟乜野先系最重要？系！有钱就梗系好啦，但如果到头来，已经失去左用几多钱都买唔到既个份初心，人生仲有咩意义？皓恩，你明未啊？

〔灯灭〕





**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第七场**

〔街上〕〔灯亮〕

〔主角于街上遇见陈小姐〕

陈小姐：咦，你咪鲁芙珍股票经纪有限公司既林小姐？

主角：你系...？

陈小姐：呢，两年前你米叫我吾好买嗰只9 5 2 7，介绍我买基金稳阵啲既。

主角：你系....陈小姐！

陈小姐：系呀。好彩你叫我唔好买咋！如果吾系你，我谗我一早就蚀晒D钱，流浪街头啦。

主角：吾洗客气。

陈小姐：我早两日仲托你同事帮我放左只基金，宜家啲钱可以供到我啲小朋友读大学喇，佢地话要读医，想救人啲。

主角：真既？你啲小朋友真系善良。

陈小姐：总之多谢你呀林小姐！

主角：唔好咁讲啦，我听到呢个消息都替你好开心！

陈小姐：你地公司请到你真系执到。（睇表）哗，感晏啦，吾同你讲住啦，我够钟要接阿女放学啦，迟啲约出黎饮茶啦，Bye bye！

主角：哦好啊，Bye bye！

〔陈小姐离去〕

主角：救人？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

〔初心拍一拍主角的膊头〕

主角：我终于明白喇。多谢你。

〔主角见表佬，比钻表〕

主角：阿师傅你睇下，呢只表值几多钱？

整表佬：做咩岩岩先帮你整完一只，而家黎又卖另一只？

主角：你话架麻，『物』忘初心，勿忘初心。

〔整表佬望一望主角〕

主角：唔明呀？总之我想将兑换番黎既钱，帮番曾经被我害过既人啦。

整表佬：早知上次就收左你迭钱先啦！

主角：吓？

整表佬：收左你上次迭钱，我宜家咪有钱帮你买返你呢只劳累人啰！

〔初心点头〕

〔灯灭〕



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 第八場

〔公司〕〔灯亮〕

〔主角打着文件，拿起话筒〕

主角：喂，黄生？系啊，我系林小姐啊，我睇过你想买个只 1206 既业绩啦，如果你想长线投资都 ok，但想短线投机既我就吾建议啦。或者，你等多排等个市再稳定 D 先再投资啦。系... 系...好。下次啊。

老板：你做咩呀？

主角：我，我咪帮紧个客评估投资风险嘢。

老板：你吾系已经学正咗啦咩！点解又系道倒番公司米呀？

主角：我想做番我应该做既事。

老板：应该？做你应该做既事你会有金表戴？有靚屋住？你阿妈会有得享福咩？

主角：系！我可能会咩都无晒，但我真系吾想再为咗背着呢啲包袱而埋没自己既初心。

老板：乜鬼野初心呀？！

主角：即系我既良心。

〔主角给老板辞职信，将职员证甩在桌上〕

主角：老板，多谢你一直既照顾。

老板：你！

〔灯灭〕

【vo】



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

同事 D：林皓恩小姐... 点解你会想入黎我地呢间股票行工作既？

主角：因为，我想帮人，真正用『心』帮助人！

终

〔街道〕

〔灯亮〕

〔大雨滂沱，街道上人来人往。每个人担着一把黑色的伞穿梭如人群之中。主角站在中央，抬头看着天，流露出笑容，表示已回到现在好开心，放低遮，周围行(笑住)。〕

〔主角见到第 1 幕跌低果个人跌低，即刻行上去扶佢，并互相展露笑容，主角做口形:「你有冇事啊？」，跌低果个人答:「我有事啊，吾该」

主角：「物」忘初心，勿忘初心！